

COLLATIO
DE COELI-
BATV MINISTRO-
RVM CATHOLICAE ECCLE-
siæ, Anno Dñi M. D. LXV. 15. Ca-
lenda. Octo. habita Offenburgi
per Cornelium Eselsperger
Presbyterum.

*Huic accessit eiusdem argumenti Corollarium
D. Guil. Lorichij.*



COLONIÆ
Apud Maternum Cholinum
Anno M. D. LXX.



2
VENERA

BILIBVS CATHO-
LICÆ FIDEI ATQVE SYN

CERAE PIETATIS CVLTORIBVS,

Presbyteris, fratribus suis in Christo dilectissimis,

Cornelius Eselsberger, Presbyter indignus,

ueram in Domino Iesu Salutem

dicit plurimam.



Præclarum est (viri fratres)
nomen, quod gerimus, sacer-
dotale: Dignitas præclarior:
officij vero, à quo tantus nominis ac di-
gnitatis splendor in nos est deriuatus,
munera sunt equidem præclarissima.

Sacerdotibus enim animarum cu-
randarum sollicitudo commissa est: qui
pondus populi sibi commissi viriliter
sustinentes, pro peccatis omnium, velut
pro suis infatigabiliter supplicat Deo,
ac, velut quidam Aaron, incensum
contriti cordis, & humiliati spiritus of-

*Verba sunt
B. Prosper
ri libro 2. de
vit. cōtemp.
capite 2.*

DE COELIBATV

iudicio Catholicæ, meq; mea q; semper & vbiq; subiecta esse, quam firma confessione me credere profiteor, vnam, sanctam, Catholicam, & Apostolicam: aduersus quam nec inferorum portæ sint vnquam præualituræ. Igitur ô Hierusalem ciuitas Dei, castigauit te Dominus in operibus manuum tuarum, Confitere Domino in bonis tuis, & benedic Deum seculorum, vt reedificet in te tabernaculum suum, & reuocet ad te omnes captiuos, & gaudeas in omnia secula seculorum. Luce splendida fulgebis, & omnes fines terræ adorabunt te. Maledicti erunt qui contemrint, & condemnati erunt omnes qui blasphemauerint te. Tu autem lætaberis in filijs tuis, quoniam omnes benedicentur, & congregabuntur ad Dominum. Beati omnes qui diligunt te, & gaudet super pace tua. Benedictus Dominus qui exaltauit eam, & sit regnum eius in secula seculorû super eam, Am.

COROL